

ጾኑሲ ማደ"ሞ ዳኪንቴ ጳውሎስ ቆላሲያሴ ዓሶሞ ዳኬ ኪኢቶ" ዓይያ ካሮ"

ጳውሎስ ቆላሲያሴ ካታሞ ዓሶሞ ፃኣፔ ኪኢታ" ፃኣፔንቴህ' ዳኩ" ዒሲያ ዓጮ" ጌይንታ ዔፕሶኔ ካታሞኮ ዓባ" ኬሰካ ዛሎ"ና ዓኣ፥ ቆላሲያሴ ሺኢጲያ ማኣሮ ዓሶሞኬ፤ ዬኖ ሺኢጲያ ማኣሬሎ ዔቁሴህ ጳውሎስቴሞንቴ ሮሜ ካኣቲ ዓጮ" ዴማ" ማዔ፥ ዒሲያ ዓጮ"ኮ ዴኤፖ ካታሞ፥ ዔፕሶኔይዳፓ ማደ ዓሲ ዒ ዳኬህሮ ዬኖ ሺኢጲያ ማኣሬሎሞ ዒ ማላያ ማዔኔ፤ ዬይያ፥ ቆላሲያሴ ሺኢጲያ ማኣሮይዳ፡- «ጾኑሲ ዔራያና ደቃያ ማዓኒ ፔቴ" ፔቴ" ዓሳ ጫሪንጫ ሞልቆና ዓኣ ጾኑሲ ማዢንቶ ካኣሽካንዳያ ኮይሳኔ» ጋዓ ሉኡዙሞና ዔርዛ ዓሳ ዓኣህ ጳውሎስ ሞይዜህሮኬ፤ ዬና ሉኡዙሞና ዔርዛ ዓሳ፡- «ፔቴ" ፔቴ" ዓሳ ዓቲንቶ ቤርቶ ቲቁያ ካኣዢና ሙኡዚ" ሞጌና፤ ዬያፖዴ ዴማ ዴማ ሞጎ ካፓንዳያ ኮይሳኔ» ጋዓ።

ጳውሎስ ሃኖ" ኪኢቶ" ፃኣፔህ' ጎኔ ዳቁንቶ ጎይያ ኬኤዚህና ዔያቶኮ ዔርዚያ ሉኡዚ ማዔህ ዔርዚኪኬ፤ ዒዚ ኬኤዜ ባኮይዳፓ ዴኤፔ ማዔ ባካ፡- «ዬሱሰ ኪሪሰቶሴ ጉቤና ዓሲ ዳቁሻኒ ዳንዳዓኔ፤ ዬያታ፥ ሜሌ" ካኣዢና ዴማ ዴማ ማደ" ዒዛይዳፓ ዓሲ ዴማሳኒ ዳንዳዓኔ» ጋዓዘኬ። ጾኑሲ ኪሪሰቶሴና ዓጮ" ማዢኔ፤ ሃህ ዒዛና ዬያ ቢያ ፔ ባንህ ዔኪ ሙካኔ፤ ዓጮ"ኮ ሃጊ ማዓንዳ ዳቁንታ ሞዛ ዓኣያ ማዓንዳህ ኪሪሰቶሴና ሞላ" ፔቴ" ማዒህና ሌሊኬ። ዬያፖዴ ጳውሎስ፥ ሓይ ዴኤፖ ዔርዚያ ኪሪሰቶሴ ጉሙርቃ ዓሶኮ ናንጎይዳ ሞይቲ ጴዳንዳያ ኮይሳቴያ ዔርዚኬ።

ሓኖ" ኪኢቶ" ጳውሎስይዳፓ ዔኪ ቆላሲያሴ ዓሶሞ ሄሊ"ሳኒ ዳኪንቴ ቲኪቆሴና ሞላ" ዓናሲሞሴ ጎያህ ዓኣያ ማዔህ ዔሪያ ቲራኬ፤ ዓይጎሮ ጌዔቴ ጳውሎስ ዬያ ዓናሲሞሴ ጎያ ዓይላ"ህ ዛሎ" ፕለሞናሞ ሜሌ" ኪኢታ ፃኣፔያ ማዔህሮኬ።

ሞፃኣፔላ ዴማ ዴማ ዓርቄ ባኮ

- ዓይያ ካሮ" 1፥1-8
- ኪሪሰቶሴኮ ማዢንቴፓ ዓኣ ጾኑሞና ዒዛኮ ማደ" ዛላ 1፥9—
2፥19
- ኪሪሰቶሴና ዓኪ ናንጊ ዳንቁህ 2፥20—4፥6
- ጋፔንህ ሃይሴ 4፥7-18

1 የኦሲ ማሊሢና ዬሱስ ኪሪስቶስ ማድ"ሞ ዳኪንቴያ ማዕ። ጳውሎስና ኑ ዲቫሢ። ፀሞቴዎሴናይዳ።

2 ቆላሲያሴይዳ ናንጋያ። ኪሪስቶስ ዛሎ"ና የኦሲም ዲማዴዞንሢና ጉሙርቁንታያ ማዕ። ዲሾንሢንታ ሚሾንሢንታሞ፤ ኑ ዓዳሢ። የኦሲኮ ኮሹሞ ዲንገፃ ዲንሢሞ ማዖንጎ።

ጳውሎስኮ ጋላቶ" ሺኢጲያ

3 ኑ ዲንሢ ዛሎ" ሺኢቃ ዎድ"ና ኑ ጎዳሢ ዬሱስ ኪሪስቶስኮ ዓዳሢ ማዕ። የኦዛሢ ሲያ ዎዴ ኑ ጋላታኔ። 4 ዓይጎር ጌዔቴ ዲንሢ ዬሱስ ኪሪስቶስ ጉሙርቃሢና የኦሲም ዲማዴ ዓሶ ዲንሢ ናሽካሢ ኑ ዎይዜኔ። 5 ጎኑሞ ማዕ። ኮዠ ሃይሳ ዲንሢሞ ሄሌ" ዎድ"ና ሃጋ ማዓንዳ ዎዞ" ዬያ ዛሎ"ና ዲንሢ ዎይዜኔ፤ ዬያር ዲንሢኮ ጉሙርቁያና ናሹሞናኮ ካራ" ጫሪንጫ ዲንሢሞ ገኢጊንቲ ዓኣ ሃጊ ማዓንዳ ዎዞ"ይዳከ። 6 ዲንሢ ኮዠ ሃይሶ ዎይዜሢና የኦሲኮዎ ኮሹሞ ዲንገያ ጎናሲ ዔኬስካፓ ዓርቃዖ። ሃይ ኮዠ ሃይሳ ዲንሢ ባኣካ" ማዳ ጎይዖ ዓጮ" ሲያይዳ ዓኣፒ ዓኣፒ ሃሣ ዳልጊሢዳ ዓኣኔ። 7 ዬያ። ኑና ማዒ * ኪሪስቶስም ጉሙርቁንቲ ማዳያ ማዕያ ሃሣ ኑኡና ዎላ" ማዳያ ማዕ። ናሽኪንታ ዔጳፒራ ዲንሢሞ ከኤዜኔ። 8 ሃሣ ዲዚ ዓያና ጌኤሽ ዲንሢሞ ዲንጌ ናሹሞ ኑም ከኤዜኔ።

9 ዬያር ዬያ ኑ ዎይዜስካፓ ዓርቃዖ። ዲንሢሞ ዓያናፓ ማዕ ዔራቶና ማሊ ጳቂሲሢና ሲያ የኦሲ ማሊያጉዴያ ዲባንዳጉዲ ኑኡኒ የኦሲ ሺኢጲሢ ሃሽ"ባኣሴ። 10 ኑኡኒ ሺኢቃሢ ጎዳም ዲንሢ ኮይሳሢጉዲ ናንጋንዳጉዲና ሲያ ባኣዚ"ና ዲዛ ዲንሢ ዎዛሳያ ማዓንዳጉዲከ፤ ዬይያ። ኮሽ ማዲ ማዲ። የኦሲ ዔሪሢና ዲጪ ዲጪ። 11 ዴኤፒ ደዲሞና ዳንዳዒሢና ዲንሢኮ ዓኣያ ማዓንዳጉዲ። ዲዛኮ ቦንቹንቲ ዎልቆጉዴያ ዎልቆና ሲያ ዲንሢ ደዲ ሃሣ ዎዛዲ ዎዛዲ። 12 ሃሣ ፖዖ ካኣቱሞይዳ የኦሲም ዲማዴ ዓሶና ዎላ" የኦሲ ዲንጋ ባኮ ዲንሢ ዔካያ ማዓንዳጉዲ ዲንሢ ማሄ የኦዛሢ። ዓዳሢ ዎዛና ዲንሢ ጋላታንዳጉዲከ። 13 ዓይጎር ጌዔቴ ዲዚ ዲሞ ካኣቱሞ ዴማ"ፓ ኑና ዳቂሽ። ፔኤኮ ናሽኪንታ ናዓሢ ካኣቱሞ ዴሞ ጌላንዳጉዲ ኑና ማሄኔ። 14 ዲዛ ዛሎ"ና ኑ ዳቂ። ጎማፓ ማኣሪንቲሢያ ኑ ዴንቄኔ።

ኪሪስቶስኮ ሲያፓ ባሽ ማዒያ

* 1:7 «ኑና ማዒ» ጋዓዛ፡- ፔቴ" ፔቴ" ሚናኣ ማፃኣፓ «ዲንሢ ማዒ» ጋዓኔ። 1:7 ቆላ. 4፡12፤ ፒልሞ. 23። 1:14 ዓፕ. 1፡7።

15 ኪሪስቶስ ዓሲም ጴዳዎ ያከዛሂኮ ጎኔ ማሎኬ። ዒዚ ቢያ ማዢንቶኮ ቤርታ ዓኣ ቶይዳሂኬ። 16 ዎይቲ ጌዔቲ ጨሪንጮና ሳያናይዳ ዓኣ ባካ፣ ዓኣፒዳ ጴዳሂንታ ጴዳዎ ባካ፣ ጨሪንጮ ጴዳፖ ማዢንቶና ዎይሃዘንሂ፣ ሱኡጎንታ ቢታንታ ዓኣዘንሂያ ቢያ ማዢንቲሂ ዒዛናኬ። ያኡሲ ቢያ ባኮ ማዢሂ ዒዛና ሃሃ ዒዛምኬ። 17 ዒ ቢያ ባኮኮ ቤርታፓ ዓኣያኬ፤ ቢያ ባካ ዎላ" ካኣሚ ደዲ ዔቁሂ ዒዛናኬ። 18 ዒዚ ዒዛኮ ዑያ ማዔ፣ ሸኢጲያ ማኣሮ ዓሶኮ ቶኦካ"ሂኬ፤ ቢያ ባኮና ዒ ቤርቲ ማዓንዳጉዲ ሃይቢፓ ዔቁሂናኣ ቤርታሳሂ ዒዛኬ። 19 ዬይ ማዔሂ ያኡሲኮ ዓኣ ዎልቃ ናዓሂዳ ኩሙሂና ዓኣያ ማዓንዳጉዲ ያኡሲ፣ ዓዳሂ ኮዔሂሮኬ። 20 ዒዛ ዛሎ"ና ጨሪንጮይዳ ማዔቲያ ሳያይዳ ዓኣ ባኮ ቢያ ያኡሲ' ፔኤና ዎላ" ገኢጊሸ፣ ቡኩሴኔ፤ ፑርቶ ዓሶ ሱያ ሚያይዳ ዒ ሓይቁም ላኣሊንቲ ሱኮያናኣ ኮሹም ዔኪ ሙኬ።

21 ሓያኮ ቤርታ ዒንሂኮ ፑርቶ ማዶ"ና ያኡሲፓ ዒንሂ ሃኪ፣ ዒንሂኮ ማሊያናኣ ያኡሲኮ ዒንሂ ሞርኬኬ። 22 ሃሂ ጋዓንቲ ያኡሲኮ ናዓሂ ዓሲ ማዒ ኬዲ" ሃይቁ ዛሎ"ና ያኡሲ ፔኤና ዎላ" ዒንሂ ቡኩሴኔ፤ ዬያ ዒ ማዶሂ" ዒንሂ ዒዛም ዲማዶያና ጌኤሸ፣ ሃሃ ዔኤቢ ቦሂሳ ባኣዚ" ባኣያ ማሂ ፔ ቤርቶ ሸኢሻኒኬ። 23 ዬይ ያዲ ማዓንዳሂ" ዒንሂ ጉሙርቁሂና ፃጲ ዳኪ፣ ሃሃ ደዲ ዔቁ ኮዢ ሃይሶይፓ ጴዳ ሃጊ ማዓንዳ ዎዞ" ቃኣሎ"ና ዓገጸዎ ደዲ ናንጌቲ ሌሊኬ፤ ዬይ ኮዢ ቃኣላ" ዒንሂ ዎይዛሂና ዓጫ" ዓኣ ዓሶም ቢያ ኬኤዚንቲሂኬ፤ ታኣኒ፣ ጳውሎሴያ ማዶያ ማዔሂ ዬያ ኮዢ ቃኣሎ" ማዶ"ኬ።

ጳውሎሴ ሸኢጲያ ማኣሮም ደዲ ማዶ ማዶ

24 ሃሂ ዒንሂ ዛሎ"ና ታዔካ ሜታሂ ታና ዎዎዛሳኔ፤ ኪሪስቶስኮ ዑያ ማዔ፣ ሸኢጲያ ማኣሮ ዓሶ ዛሎ"ሮ ኪሪስቶሴይዳ ሄሊ" ዓቲ" ሜታሂ ታጊዳ ማዒ ኩማዳንዳጉዲ ታ ማሃ። 25 ያኡሲኮ ኮዢ ሃይሶ ፔቲ"ታ ጋ ዓይሱዎ?፣ ጉቤ ዒንሂም ኬኤዛንዳጉዲ ያኡሲዳፓ ታኣም ዒንጊንቲ ጎይያና ሸኢጲያ ማኣሮ ዓሶም ታ ማዶያ ማዔ። 26 ሓይ፣ ታ ኬኤዛ ኮዢ ሃይሶ ቃኣላ" ሃያኮ ቤርታ ዓሲም ዓኣሸንቲ ዓኣያ፤ ሃሂ ጋዓንቲ ያኡሲ ፔኤም ዲማዶዘንሂም ዔርዜ ዓኣሸንቲ ባኣዚ"ኬ፤ 27 ያኡሲኮ ማሊያ ዬያ ዓኣሸንቲ ባኮኮ ቦንቾና ያርጎቹምና ዓይሁዴ ማዒባኣ ዓሶ ባኣካ" ዎዞጉዲ ጴዳፒታቲ ዒዛም ዲማዶ ዓሶም ዔርዛኒኬ፤ ዬይ፣ ዓኣሸንቲ ባካ ሃጊ ማዓንዳ ዎዞ ጌሂ ኑ ካፓ ቦንቾ ዒዛና ጴዳንዳ፣ ዒንሂ ባኣካ"

ዓኣ ከሪሰቶሴኬ። 28 ዔራቶና ዓይጎ ዓሲያ ኑ ዘሪ ዘሪ ሃሃ ዔርዚ ዔርዚ ፔቴ" ፔቴ" ዓሶ ከሪሰቶሴ ዛሎ"ና ዒናደ ዓሲ ማሂ ያኦሲ ቤርቶ ሺኢሺ ከሪሰቶሴ ዛሎ" ኑ ኬኤዛኔ። 29 ያኦሲ ፔኤኮ ዴኤፖ ዋልቆና ታኣና ማዳሂሮ ዩያ ዴኤፖ ዋልቆና ደዲ ማዲያይዳ ታ ዓኣኔ።

2

1 ዒንሂንታ ሎዶቂያይዳ ዓኣ ዓሶ ዛሎ"ንታ፡ ሃሃ ዩያጉዲ ታና ዔራቶ ዓሶማኣ ቢያ ታ ዋማይዲ ደዲ ማዳቴ ዒንሂ ዔራንዳጉዲ ታ ኮዓኔ። 2 ታ ደዲ ማዳሂ' ዒና" ዔያቶኮ ደዲ፡ ናሹሞናኣ ፔቴ" ማዒ፡ ፒዜ ማዔ ማሊ ጳቂሥሂ ያርጎቹሞ ዴንቂ ያኦሲኮ ዓኣሺንቴ ማሊያ ማዔ፡ ከሪሰቶሴ ዔያታ ዔራንዳጉዲኬ። 3 ሃኣማቶና ዔራቶናኮ ቆሎ ዓኣሺንቴ ዓኣሂ ከሪሰቶሴ ኮይላ"ኬ።

4 ዩያ ታ ዒንሂም ጋዓሂ ያኦኒያ ጌሺሂ ሃይሴና ዒንሂ ዳቢሹሞጉዲ ጌይኬ። 5 ዋዚ ታ ዒንሂዳፓ ሃኪ ዓኣያ ማዔቴያ ዓያናና ታ ዒንሂና ዋላ"ኬ፤ ዒንሂ ከይሳማ ጎይያ ናንጊሂና ከሪሰቶሴይዳ ዒንሂኮ ዓኣ ጉሙርቂያ ደዲሞ ታ ዛጋሂሮ ዋዛዳኔ።

ከሪሰቶሴና ጳዳ ኩሙሂ ናንጊ

6 ጎዳ ዩሱስ ከሪሰቶሴ ዒንሂ ጉሙርቂ ዔኬ ጎይያና ዒዛና ዋላ" ፔቴ" ማዒ ናንጉሞቴ፤ 7 ዒዛይዳ ፃጲ ዳኪ፡ ናንጎ ዒንሂ ዒዛና ማሂ ዓርቂ፡ ዒንሂ ዔሪ ጎይያና ከሪሰቶሴ ጉሙርቂያና ደዲ ናንጉሞቴ፤ ሚርጌና ሃሃ ያኦሲ ጋላቴሞቴ።

8 ከሪሰቶሴ ዔርዜ ጎይያጉዲቴሞንቴ ዓሲ ኬሴ" ዋጌና ሓይ ዓጫ" ዋርቃ ዋጌይዳፓ ማዔ ጉሪ ጌሺሂ ባኣዚ"ና ሃሃ ሃሞዓቶና ማዢንቴ ሃይሴና ጎኔ ጎይያፓ ያኦኒያ ዒንሂ ዲዒ ዔኩሞጉዲ ዒንሂና ዔራሞቴ። 9 ያኦሲኮ ያኦሱማ ጉቤና ፔጋዲ ዔርቴ ናንጋሂ ዓሲ ማዔ፡ ከሪሰቶሴይዳኬ። 10 ዒንሂያ ኩሙሂ ናንጊ ዴንቂሂ ሱኦጉሞና ቢታንቴሞናኮ ዑፃሂ ማዔ፡ ከሪሰቶሴናኬ።

11 ዒዛና ዋላ" ፔቴ" ማዒያና ዒንሂ ዓቴንቶ ቤርቶ ቴቂንቴያ ማዔኔ፤ ዩይ ዓቴንቶ ቤርቶ ቴቂንቴፃ ዒንሂኮ ጎሞ ማዶ" ላኣማኒ ከሪሰቶሴና ማዳንቴያ ማዓንዳፓዓቴሞ ዓሲ ቴቃ፡ ዓቴንቴ ቤርቴ ቴቂንቴቴሞሴ። 12 ዓይጎር ጌዔቴ ዒንሂ ዋኣያና ማሰቴ ዋዶ"ና ከሪሰቶሴና ዋላ" ዒንሂ ዲኡቴኔ፤ ሃሃ ዒዛና ዋላ" ሃይባ"ፓኣ ዒንሂ ዔቂኔ፤ ዒንሂ ሃይባ"ፓ ዔቂሂ' ከሪሰቶሴ ሃይባ"ፓ ዔቂሴ፡ ያኦዛሂ ዋልቆ ዒንሂ ጉሙርቃሂሮኬ። 13 ዒንሂኮ ጎሞ ዓቴንቶ ቤርታ ቴቂንቴባኣሂሮ ቤርታ ዒንሂ ሃይቂያኬ፤ ሃሂ ጋዓንቴ ያኦሲ

2:12 ሮሜ 6:4።

ኪሪስቶስና ዋላ" ናንገና ባይቁዋያ ዒንሢ ማሄኔ፤ ጎዋዋ ኑኡኮ ቢያ ዓቶም ጌዔኔ። 14 ኑና ዳቢንቲ ዓሲ ማሂ ዒፃያ፣ ሃሣ ኑኡኒ ጋሌ ዓሲ ማዒያ ኑኡኮ ዔርዛ ፃኣፒንቲ ባኮ ዑጩ ባይዚ፣ ፑርቶ ዓሶ ሱያ ሚያ ጳርቂ ኑጊዳፓ ዒዚ ሺኢሹኔ። 15 ዒዛኮ ሞርኮ ማዔ፣ ጩሪንጫ ዓኣ ሱኡጎና ቢታንታ ዓኣ ማዢንቶ ቢያ ፑርቶ ዓሶ ሱያ ሚያይዳ ባሺ ያሎ ዓንጋዋዋ ጉሲሲ ባሺንቲያ ማዒያ ዓሲ ቢያ ዳንቃንዳጉዲ ዒ ማሄኔ።

16 ዓካሪ ሙኡዚ" ዛላ ማዔቲ ዑሺ ዛላ ቦንቾ ኬሊ" ቦንቾሢ ዛላ፣ ዓጊኒ ጭሪ ቦንቾሢ ዛላና ዓይሁዶ ዓሶኮ ሃውሾ ኬሎ" ቦንቾሢ ዛላና ያኡኒያ ዒንሢ ዳቤኔ ጎያ። 17 ዬንሢ ቢያ ሃጊ ሙካንዳ ባኮኮ ሺቦ" ማዔዞንሢኬ፤ ጎኔ ዓኣያ ማዒ ሺባሢ ኪሪስቶስኬ። 18 ኮይሱዋ ሹሌዑሞ ዓኣያ፣ ሃሣ ያኡሲ ኪኢታንቾ ካኣሽኪሢ ናሽካ ዓሲ ጌሺ ዒንሢ ጉሪ ዓይሱዋጉዲ ዒንሢና ዔሩዋቲ። ዬያጉዴ ዓሢ' ዒዛም ፔጋዲ ጴዳ ባኮና ሄርሺንቲ ሄርሺንቲ ጉሪ ማዔ ዓሲ ማሊሢና ያቶርቃያኬ። 19 ዬያ ዓሢኮ ዑሢ ቢያ ጨጊቺና ሻሺና ካኣሚ ካኣሚ ሙኡዚ"ያ ዳንቂ ዳንቂ ያኡሲ ዒንጋ ዲጩሢና ዲጩሳ ቶኦካ"ሢናኮ ዋላ" ካኣሚሢ ባኣያኬ።

ናንጌቲያ ሃይቁቲያ ኪሪስቶስና ማዒሢ

20 ኪሪስቶስና ዋላ" ዒንሢ ሃይቁ ሃያ ዓጮ" ባኮይዳፓ ዲማዴያ ማዔቲ ዓካሪ ዬያይዳፓ ዲማዲባኣያጉዲ ዋዲ" ዒንሢ ዬንሢጉዴ ዓይሢያም ዓይሢንታይ? 21 ዬንሢ ዓይሢያንሢ:- «ዓርቂፖ፣ ዳንጋና ካንሢፖ፣ ካኣሚፖ» ጋዓዞንሢኬ። 22 ዬንሢ ቢያ ዓሲ ኬሴ" ዋጌና ዓይሥሢ ዔርዛሢና ማዲንታያ ማዔሢር ዬንሢ ማዲንቲሢኮ ጊንፃ ማኣዳ" ባኣዚ" ባኣያ ማዒ ባይቃያኬ። 23 ዬንሢ ዓይሢያንሢ' ዓሲ ፔኤር ኬሲ" ካኣሽካ ካኣሺንታ ኮይሱዋ ሹሌዑሞና ዑሢ ፑርቲሲሢ ማዲ ማዲሺሳሢር ዛጎዛ ፒዜ ዔራቶና ማዲንታያ ማላኔ፤ ጋዓንቲ ዓሲ' ኮዓ ሱኡኮ ማዶ" ቃዛኒ ማኣዳ" ባኣዚ" ባኣያኬ።

3

ኪሪስቶስ ጉሙርቃ ዓሲ ናንጋንዳ ናንጊ

1 ዓካሪ ኪሪስቶስና ዋላ" ሃይባ"ፓ ዒንሢ ዔቁሢር ኪሪስቶስ ዴዒ ዓኣ ያኡሲኮ ሚዛቆ ዛላ"፣ ቦንቾንቲ ቤዛ፣ ሎ ጩሪንጫይዳ ዓኣ ባኮ ደዲ ኮዑዋቲ። 2 ቢያ ዋዴ ሎ ጩሪንጫ ዓኣ

2:13 ዓፕ. 2፥1-5። 2:16 ሮሜ 14፥1-6። 2:19 ዓፕ. 4፥16። 3:1 ዓይኑ. 110፥1።

ሱ'ንጾና ጋላቲ ጋላቲ ዳንጋና ጌስቶ ባአዚ"ያ ማጾም ዒንሢ ማዳ ባኮዎ ቢያ ጎዳ ዩሱሴ ሱ'ንጾና ማዳዎቱ።

ኪሪስቶስ ጉሙርቃ ፔቱ" ማእሪ ዓሲ ናንጋንዳ ጎይሢ

18 ዒንሢ ላአሎ ናአታ"! ዒንሢ ጎዳ ዩሱሴሮ ማዕ ዎይጾና ሃሣ ዓይሢንቲሢ ኮይሳያታሢሮ ዒንሢ ዓኒንሢም ዓይሢንቲቆቱ።

19 ዒንሢ ዓቲንቃ! ዒንሢኮ ላአሎ ናሸኩቆቱ፤ ዔያቶም ፑርታያ ማዒፖቱ።

20 ናይዮቲ! ቢያ ባአዚ"ና ዒንሢ ሾዔ ዓሶም ዓይሢንቲቆቱ፤ ዓይጎሮ ጌዔቲ ዩያ ጎዳ ናሸካ ባአዚ"ታሢሮኬ።

21 ዒንሢ ናአቶ" ሾዔ ዓሳ! ናአታ" ዒንሢኮ ፑርቲቆም ማሉቆጉዲ ጎሪ" ዔያቶም ካራ ባይዚፖቱ።

22 ዒንሢ ዓሶም ዓይሌ" ማዒ ማዳ ዓሳ! ሳጾይ ዒንሢ ዎይሣ ዓሶም ቢያ ባአዚ"ና ዓይሢንቲቆቱ፤ ዩያ ዒንሢ ዓይሢንታሢ' ዓሲ ዎዛሳኒና ዓሲ ቤርቲም ጳዲሢሮ ማዒባአንቲ ጎዳ ዩሱሴ ዒጊጩሢና ጌኤሺ ዒናፓ ማጾንጎ። 23 ዒንሢ ማዳ ባኮ ቢያ ዓሲምቲቆንቲ ጎዳ ዩሱሴ ኪሪስቶስም ማዳያ ማሢ ዶዲ ዎዛና ማዳዎቱ። 24 ዒንሢ ማዳ ዛሎ"ሮ ጎዳ ዒንሢም ዒንጋንዳ ባአዚ" ዓአሢ ዒንሢ ዔራኔ፤ ዒንሢ ማዳሢ ጎዳ ኪሪስቶስምኬ። 25 ፑርታ ማዳሢ' ፑርቶ ማዳ" ዛሎ" ሜቶ ዔካንዳኔ፤ ዓይጎሮ ጌዔቲ ያኦሲ ዓሲ ዲማሲ ዛጉቆአሢሮኬ።

4

1 ዒንሢ ዓይሎ" ዎይሣ ዓሳ! ዒንሢያ ጫሪንጮይዳ ዒንሢኮ ጎዳ ዓአሢ ዔራያታሢሮ ዒንሢኮ ዓይሎ" ፒዜ ማዕ ጎይሢና ሄኮ ዛጊ ዎይሠቆቱ።

ዘሮ

2 ያኦሲ ጋላቲሢና ሓሹ"ዎጾ ቢያ ዎይ ዶዲ ሺኢቆዎቲ፤ 3 ያኦሲ ፔኤኮ ኮዢ' ሃይሶ ኑ ኬኤዛንዳ ካራ ኑም ቡላ"ንዳጉዲና ዒዛ ዛሎ" ታቲኤቲ። ኪሪስቶስኮ ዓአሺንቲ ኮዢ' ሃይሶ ኑ ኬኤዛንዳጉዲ ኑማኦ ሺኢቆዎቲ። 4 ሃሣ ታኦኒያ ኮይሳሢጉዲ ፔጋሲ ያኦሲ ቃኦሎ" ዓሶም ኬኤዛንዳጉዲ ታኦም ሺኢቆዎቲ።

3:17 ዓፕ. 5፡19-20። 3:18 ዓፕ. 5፡22፤ 1ጴ፪. 3፡1። 3:19 ዓፕ. 5፡25፤ 1ጴ፪. 3፡7። 3:20 ዓፕ. 6፡1። 3:21 ዓፕ. 6፡4። 3:22 ዓፕ. 6፡5-8። 3:25 ላሚ. ዎማ 10፡17፤ ዓፕ. 6፡9። 4:1 ዓፕ. 6፡9።

5 ዓይጎ ካራና ማዕቲያ ዒንሢ ዴንቁማና ዔሪ ማዲ ማዲ፡ ኪሪሰቶሴ ጉሙርቁዋ ዓሶ ባኣካ" ዔራቶና ናንጉዋቲ። 6 ዒንሢኮ ጌኤዛ ቢያ ዎዴና ዓሲም ዋይዛኒ ናሻያ ሃሃ ኮሺ ማዎንጎ፤ ሃሃ ዒንሢ፡ ዓሶም ፒዜና ማሂ ኬኤዘንዶ ባኮዋ ዔራንዲያ ኮይሳኔ።

ጋፒንሢ ሃይሴ

7 ቲኪቆሴ ታ ዛሎ" ዓኣ ባኮ ቢያ ዒንሢም ኬኤዘንዳኔ፤ ዒዚ ናሽኪንታያ ሃሃ ጉሙርቁንቲ ማዲያ ማዕ። ታኣና ዎላ" ጎዳ ማዶ" ማዶ ታ ዒሻሢኬ። 8 ዒዛ ታ ዒንሢ ኮይላ" ዳካሢ ኑ ዛሎ" ዒንሢም ኬኤዘንዳጉዲና ዒኖ ዒንሢኮ ዶዲሻንዳጉዲኬ።

9 ዒዛና ዎላ" ዒንሢኮ ፃጸሢ ማዕ። ጉሙርቁንታያና ናሽኪንታ ዒሻሢ፡ ዓናሲሞሴያ ዒንሢ ኮይላ" ሙካንዳኔ፤ ዔያታ ሃይካ ዓኣ ባኮ ቢያ ዒንሢም ኬኤዘንዳኔ።

10 ታኣና ዎላ" ቱኡቲ ዓሪሰፂርኮሴንታ ዒንሢ ኮይላ" ሙኬቲ ዒንሢ ዒዛ ሸኣቸንሢ ዔካንዳጉዲ ታ ዒንሢም ቤርታ ኬኤዜ፡ ባርናባሴኮ ዔኤዚማ። ማርቆሴያ ዒንሢ «ኮሺዳ?» ጌዔኔ።

11 ዒኖሰፃሴ ጌይንታ ዒያሱዋ «ኮሺዳ?» ዒንሢ ጋዓኔ። ፆኦሲ ካኣቱሞ ማዶ" ታኣና ዎላ" ማዶ ዓሶ ባኣካ"ፓ ዓይሁዴ ማዕ ዓሶንሢ ዩንሢ ሌሊኬ፤ ዔያታ ታና ዶዲሼኔ።

12 ዩሱሰ ኪሪሰቶሴም ማዲያ ማዕ። ዒንሢ ፃጸሢ ዔጳፒራ «ኮሺዳ?» ዒንሢ ጋዓኔ። ፆኦሲ ማሊፆጉዴያ ሂርጋ ባኣያ ማዒ፤ ሃሃ ዓያና ናንጊናኣ ዲጨ። ዶዲ ዒንሢ ዔቃንዳጉዲ ቢያ ዎዴ ዒንሢ ዛሎ" ዒ ዶዲ ሺኢቃኔ። 13 ዒንሢ፡ ሎዶቁያይዳ ዓኣ ዓሶና ሂራፖሊዮሴይዳ ዓኣ ዓሶ ዛሎ" ሚርጌና ዒ ላቢ" ማዶሢኮ ታ ማርካኬ። 14 ዴኤሾ ዔራ። ናሽኪንታ ሉቃሴንታ ዴማሴንታ «ኮሺዳ?» ዒንሢ ጋዓኔ።

15 ሎዶቁያይዳ ዓኣ ዒሾንሢታ ሚሾንሢንታ፡ ኒምፑንታ ሃሃ ዒዛ ማኣሮይዳ ቡኪንታ ኪሪሰቶሴ ጉሙርቁ ዓሶንታም «ኮሺዳ?» ጋዓኔ፡ ጎውዋቲ። 16 ሐኖ" ኪኢቲሎ ዒንሢ ናባቤሢኮ ጊንፃ ሎዶቁያይዳ ዓኣ ሺኢጲፆ ማኣሮ ዓሶማኣ ናባቢሱዋቲ፤ ዒንሢያ ታኣኒ ሎዶቁያ ዓሶም ዳኬ ኪኢታ" ዒንሢ ሄላ"ኣና ናባቡዋቲ። 17 ዓርኪፖሴም፡- «ጎዳይዳፓ ኔኤም ዒንጊንቲ ማዶ" ዶዲ፡ ጋፒንፆ ሄሊ"ሲ ማዴ» ጋዓኔ፡ ጌይ ኬኤዘዋቲ።

4:5 ዓፕ. 5፡16። 4:7 ዳኪ. ማዶ" 20፡4፤ 2፻፶. 4፡12። 4:8 ዓፕ. 6፡21-22። 4:9 ፒልሞ. 10-12። 4:10 ዳኪ. ማዶ" 19፡29፤ 27፡2፤ ፒልሞ. 24፤ ዳኪ. ማዶ" 12፡12፤ 25፤ 13፡13፤ 15፡37-39። 4:12 ቆላ. 1፡7፤ ፒልሞ. 23። 4:14 2፻፶. 4፡10-11፤ ፒልሞ. 24። 4:17 ፒልሞ. 2።

18 ሃይማ ጋፒንያ ማሊያማ ታኣኒ ጳውሎሴ ታ ኩቻ ፃኣፔኔ። ታ
 ሓህሂ ሄላ"ያ ቱኡዞ ማኣራ ዓኣህሂ ዔረፍቱ።
 ያኦሲኮ ኮሹሞ ዒንጊፃ ዒንህሂም ማዖንጎ።

ጌጌዥ ማግኔገ
The Holy Bible in the Maale language of Ethiopia,
using Ethiopic script

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929